



Scéim Institiúid Teicneolaíochta Bhaile Átha Luain 2013 – 2016

**Faoi Alt 11 d'Acht na
dTeangacha Oifigiúla 2003**

Ábhar

Caibidil 1 Intreoir agus Cúlra

- 1.1 Treoirlínte d'Ullmhú Scéime
- 1.2 Ábhar na Scéime Teanga
- 1.3 Dáta Tosaithe na Scéime
- 1.4 Forbhreathnú ITBÁL
 - 1.4.1 Ráiteas Físe
 - 1.4.2 An Institiúid
 - 1.4.3 Custaiméirí agus Cliaint
 - 1.4.4 Réimsí Feidhmiúla
 - 1.4.5 Measúnú ar an méid a bhfuil seirbhísí ar fáil cheana trí mheán na Gaeilge

CAIBIDIL 2 Achoimriú Seirbhísí/Gníomhaíochtaí de réir Rannáin

- 2.1 Intreoir
- 2.2 Oifig an Chláraitheora
 - 2.2.1 Leabharlann
 - 2.2.2 Riarachán Acadúil agus Gnóthaí Mic Léinn
 - 2.2.3 Teicneolaíocht an Eolais
 - 2.2.4 Rannóg Sheirbhísí Mic Léinn
 - 2.2.5 Aonad Foghlama agus Teagaisc
 - 2.2.6 An Rannóg Spóirt
- 2.3 Oifig Airgeadais/AD
- 2.4 Scoileanna
- 2.5 An Oifig Thaihge, Nuálaíochta agus Fhiontraíochta
- 2.6 An Oifig Chumarsáide agus Mhargáíochta

CAIBIDIL 3 Feabhsú na Seirbhísí atá le soláthar go Dátheangach

- 3.0 Intreoir
- 3.1 Meáin Chumarsáide leis an bPobal
 - 3.1.1 Réamh-eolaire
 - 3.1.2 Foirmeacha iarratais/Bróisiúir/Bileoga eolais
 - 3.1.3 Foilseacháin Ilghnéitheacha
 - 3.1.4 Suíomh Gréasáin
 - 3.1.5 Ríomhphost
 - 3.1.6 Comhfhreagras Ginearálta
 - 3.1.7 Fógra Béil
 - 3.1.8 Oibriúchán Fáiltithe
 - 3.1.9 Preas-eisiúintí
- 3.2 Seirbhísí Tacaíochta
- 3.3 Earcú
- 3.4 Oiliúint agus Forbairt

CAIBIDIL 4 Monatóireacht agus Athbhreithniú

CAIBIDIL 5 Poibliú na Scéime Comhaontaithe

CAIBIDIL 1

INTREOIR AGUS CÚLRA

Intreoir/Cúlra

Ullmhaíodh an scéim seo faoi Alt 11 d'Acht na dTeangacha Oifigiúla 2003 (a dtagraítear dó as seo amach mar an tAcht) ag ITBÁL. Déanann Alt 11 soláthar d'ullmhú scéime reachtúla ag comhlachais phoiblí a thugann sonraí faoi na seirbhísí a chuirfidh siad ar fáil:

- Trí mheán na Gaeilge,
- Trí mheán an Bhéarla, agus
- Trí mheán na Gaeilge agus an Bhéarla, agus

na bearta atá le cur i gcrích le cinntiú go gcuirfear aon seirbhís ar fáil laistigh de chreat ama comhaontaithe nach bhfuil á cur ar fáil ag an gcomhlachas trí mheán na Gaeilge.

1.1 Treoirlínte d'Ullmhú Scéime

Dréachtaíodh an scéim seo, ag cur san áireamh na treoirlínte sin a d'fhoilsigh an tAire Ealaíon, Oidhreachta agus Gaeltachta agus tar éis comhairliúcháin le baill fhoirne, le mic léinn agus le páirtithe leasmhara ionadaíocha. D'eisigh an Institiúid fógra poiblí freisin faoi Alt 13, ag tabhairt cuireadh do dhaoine léiriúcháin a dhéanamh maidir le hullmhú na dréachtscéime faoi Alt 11 ó aon pháirtithe leasmhara.

Chuaigh na haighneachtaí agus tuairimí agus moltaí seo a chuir baill fhoirne agus mic léinn isteach i bhfeidhm ar an scéim. Is mór leis an Institiúid an t-am agus an saothar atá caite ag daoine ábhartha ar an bpróiseas seo.

1.2 Ábhar na Scéime Teanga

Faoi láthair cuirtear seirbhísí ITBÁL ar fáil trí mheán an Bhéarla. Tá líon teoranta foirne ag an Institiúid a bhfuil inniúlacht bhéil acu sa Ghaeilge agus

líon níos lú arís a bhfuil inniúlacht scríofa acu. Is iad tosaíochtaí na scéime ná:

- Leibhéal an éilimh do sheirbhísí Gaeilge a thomhas agus monatóireacht a dhéanamh air sin
- Feasacht a chruthú i measc na foirne i dtaca le hábhar agus cuspóir na scéime
- Soláthar a chur ar fáil don fhoireann le hinniúlacht a fhorbairt sa Ghaeilge
- Rialacháin an Achta a chomhlíonadh
- Cur i bhfeidhm éifeachtach na Scéime a chinntiú chomh maith le cinntiú go seachadtar na tiomantais sin a thugtar

1.3 Dáta Tosaithe na Scéime

Tá an scéim deimhnithe ag an Aire Ealaíon, Oidhreachta agus Gaeltachta agus beidh feidhm léi ó 21 Deireadh Fómhair 2013 ar aghaidh. Beidh an scéim i bhfeidhm ar feadh tréimhse trí bliana ón dáta seo nó go dtí go ndeimhnítear scéim nua ag an Aire de bhun Ailt 15 den Acht, cibé acu is déanaí.

1.4 Forbhreathnú ITBÁL

1.4.1 Ráiteas Físe

Tá sé d'aidhm ag ITBÁL a chuid buanna a threisiú le go mbeidh sí mar chéad rogha d'fhoghlaimoírí agus do bhaill foirne go réigiúnach, go náisiúnta agus go hidirnáisiúnta. Bainfear seo amach trí bhéim a chur ar fhorbairt an fheabhais nualaíoch i réimsí an teagaisc, an mhalartaithe acadúil agus fheabhsú na timpeallachta teagascláraithe, bunú clú láidir i dtaca le taighde, nuálaíocht agus aistriú eolais, agus ról ceannaireachta i bhforbairt eacnamaíoch, shóisialta, chultúrtha agus timpeallachta réigiún Thairseach Lár Tíre.

1.4.2 An Institiúid

Is institiúid ardoideachais í ITBÁL a bhfuil duaiseanna bainte aici is atá lonnaithe i gcroílár na hÉireann, an t-aon institiúid ardoideachais i Lár Tíre. Bunaíodh í i 1970, agus í tar éis méadú i dtaca le méid, scóip agus tionchar ó tionscnaíodh í; breis is 6,000 mac léinn a bhíonn ag tabhairt faoi chlár fhochéime agus iarchéime anois i réimsí an Ghnó, na nDaonnachtaí, na hInnealtóireachta agus na hEolaíochta. Infheistíodh €115 milliún inár gcampas ó bhí 2000 ann, ag cinntiú go bhfaigheann na mic léinn oideachas den scoth le háiseanna ceannródaíocha.

1.4.3 Custaiméirí agus Cliant

Is iad príomhchustaiméirí na hInstitiúide ná a cuid mac léinn, a bhfuil dualgas cúraim ar leith aici ina leith. Idirghníomhaíonn sí freisin le hInstitiúidí agus gníomhaireachtaí oideachais eile agus leis an bpobal i gcoitinne. Cuimsíonn a príomhbhonn cliant agus custaiméara iad seo a leanas, ach níl an liosta seo eisiach:

- An tÚdarás um Ard-Oideachas (ÚAO)
- An Roinn Oideachais agus Scileanna
- Dearbhú Cáilíochta agus Cáilíochtaí Éireann (DCCÉ)
- Institiúidí Teicneolaíochta Éireann
- An Chomhairle um Thaighde in Éirinn
- Comhlachas Tairsí Lár Tíre
- Boird Oideachais agus Oiliúna (ar tugadh Coistí Gairmoideachais orthu roimhe seo)
- Comhairlí Contae
- Boird Fhorbartha Contae
- Fiontraíocht Éireann
- GFT Éireann
- Coláiste an Ghoirtín
- Institiúid an Chabháin

- Fáilte Éireann
- An Chomhairle Ealaíon
- Innealtóirí na hÉireann
- An Chomhairle Mhúinteoireachta
- Lónra
- Tionól Réigiúnach TLTI.

1.4.4 Réimsí Feidhmiúla

Réimse Feidhme	Rannóg
Oifig an Uachtaráin	Oifig Idirnáisiúnta Margaíocht agus Cumarsáid
Oifig an Chláraitheora	Leabharlann Riarachán Acadúil agus Gnóthaí Mic Léinn Teicneolaíocht an Eolais Seirbhísí Mic Léinn Aonad Foghlama agus Teagaisc An Rannóg Spóirt
Oifig Airgeadais	Acmhainní Daonna Eastáit Sláinte, Sábháilteacht agus Leas Pá rolla Idirbhearta Airgeadais
Scoil Ghnó	Staidéar Gnó Ríomhaireacht Chuntasaíochta agus Ghnó
Daonnachtaí	Cúram Sóisialta Dearadh Staidéar Aíochta, Turasóireachta agus Fóillíochta
Innealtóireacht	Ceirdeanna Innealtóireachta Innealtóireacht Shibhialta, Fhoirgníochta agus Mhianraí Innealtóireacht Leictreonaice, Ríomhaireachta & Bhogearraí Innealtóireacht Mheicniúil agus Pholaiméirí
Eolaíocht	Eolaíocht Bheatha agus Fhisiceach Eolaíocht Altranais agus Sláinte
Taighde	Lárionad Nuálaíochta agus Taighde Lár Tíre Institiúid Taighde Eolaíochta Bithí

Institiúid Taighde Ábhar
Institiúid Taighde Bhogearraí
Oifig Aistrithe Theicneolaíochta

1.4.5 Measúnú ar an méid a bhfuil seirbhísí ar fáil cheana trí mheán na Gaeilge

Is í príomhfheidhm an Achta ná soláthar níos fearr a chinntiú chomh maith le caighdeán níos airde seirbhísí poiblí i nGaeilge. Is í príomhfheidhm ITBÁL ná clár oideachais d'ardchaighdeán a sholáthar agus faoi láthair seachadtar gach clár i mBéarla. Bíonn seirbhísí don phobal ginearálta, do pháirtithe leasmhara agus do ghníomhaireachtaí eile go heisiach i mBéarla freisin i láthair na huaire. Tá ITBÁL ag obair i dtreo lánchomhlíonadh riachtanais an Achta: déantar tuarascálacha bliantúla agus cuntais airgeadais a fhoilsiú go dátheangach, bíonn an páipéar ceannteidil dátheangach agus tá an chomharthaíocht nua dátheangach, agus bíonn fógraí béil réamhthairfeadta dátheangach chomh maith.

CAIBIDIL 2

ACHOIMRIÚ SEIRBHÍSÍ/GNÍOMHAÍOCHTAÍ DE RÉIR RANNÁIN

2.1 Intreoir

Leagann an chaibidil seo amach an seasamh maidir le soláthar seirbhísí/gníomhaíochtaí ag rannóga aonair laistigh den Institiúid.

2.2 Oifig an Chláraitheora

2.2.1 Leabharlann

Dlúthchuid na hInstitiúide atá i Leabharlann Goldsmith agus cuireann sí ról lárnach i gcric sa saol acadúil. Tacaíonn sí leis na gníomhaíochtaí oideachasúla agus taighde ar siúl in ITBÁL trí sheirbhís chuimsitheach fhaisnéise a chur ar fáil.

2.2.2 Riarachán Acadúil agus Ghnóthaí Mic Léinn

Tá oifig an Riaracháin Oifigiúil agus Ghnóthaí Mic Léinn freagrach as clárú, measúnú agus baint amach céime na mac léinn.

2.2.3 Teicneolaíocht an Eolais

Tá Rannóg na Seirbhísí Ríomhaireachta (RSR) freagrach as cothabháil líonra na hInstitiúide chomh maith leis an idirlíon, ríomhphost, córas teileafóin, ríomhairí foirne, Rochtain Oscailte agus Lárionad TE. Tá bainistiú na gcóras CFB –Core, Banner agus Agresso mar chuid de shainchúram na rannóige seo freisin, chomh maith le bainistiú na gceadúnas láithreáin do raon táirgí bogearraí.

2.2.4 Seirbhísí Mic Léinn

Tairiscíonn ITBÁL raon leathan seirbhísí tacaíochta coimhdí do mhic léinn. Tá Rannóg na Seirbhísí Mic Léinn ar cheann de na chéad áiteanna a dtéann mic léinn le heolas agus cabhair a lorg faoi aon ghné de shaol na mac léinn. Ar na seirbhísí a thairiscítear

tá Séiplíneacht, Comhairle Slí Beatha, Comhairliú, Seirbhís Chomhairle agus Tacaíochta Míchumais, Oifig Rochtana, áiseanna lárionaid Sláinte.

2.2.5 Aonad Foghlama agus Teagaisc

Tá an tAonad tiomanta do thacaíocht agus do chur chun cinn na foghlama agus an teagaisc in ITBÁL. Bíonn an t-aonad ag comhoibriú le cultúr a fhorbairt:

- a bhfuil meas aige ar agus a thacaíonn le difríochtaí aonair idir lucht na foghlama.
- a spreagann forbairt timpeallachtaí foghlama atá dírithe ar an mac léinn inar féidir le mic léinn bheith ag foghlaim agus ag baint barr feabhais amach.
- a thuigeann luach an teagaisc agus a dhámhann é.
- a thacaíonn leis an bhfoireann agus iad i mbun taighde oideachais.
- a chabhraíonn le scaipeadh an chleachtais is fearr san ardoideachas.
- a spreagann cur i bhfeidhm tionscnamh/nuálaíochtaí oideolaíocha.
- a chothaíonn is a thacaíonn leis na cuspóirí agus na bearta sin a shracríanaítear i bPlean Straitéiseach na hInstitiúide, a bhaineann leis an bhfeabhas agus leis an nuálaíocht san Fhoghlaim agus sa Teagasc.

2.2.6 An Rannóg Spóirt

Is í an Rannóg Spóirt an fheidhm chomhordaithe d'iláiseanna spóirt na hInstitiúide, ar a n-áirítear láthair lúthchleasaíochta laistigh, páirceanna imeartha agus ionad ilchuspóra ina bhfuil le

fáil cúirt chispheile, ceithre chúirt bhadmantain, dhá chúirt eitpheile, futsal (sacar laistigh) agus seomra aclaíochta úrscothach. Bainistíonn an rannóg scéim scoláireachta spóirt ITBÁL, a dhámhann barr feabhais fheidhmíochta.

2.3 Oifig Airgeadais/AD

Tá an Oifig Airgeadais freagrach as gach soláthar agus íocaíocht agus dá bharr sin is í a dhéanann fógraíocht le haghaidh conarthaí a tháirgeann doiciméid tairisceana, a íocann sonraisc agus tuarastail agus a ullmhaíonn na cuntais bhliantúla. Faoi láthair tairiscíonn an rannóg phárolla an rogha bheith ag breathnú ar dhuillíní pá i nGaeilge agus i mBéarla.

Tá an Rannóg Acmhainní Daonna freagrach as fógraíocht a dhéanamh faoi fholúntais fhoirne, foirmeacha iarratais agus cur síos ar phoist a tháirgeadh agus agallaimh a eagrú. Is í atá freagrach as leas agus disciplín na foirne freisin. Tacaíonn Coiste na Forbartha Proifisiúnta le cuspóir na hInstitiúide go mbeadh deis ag an bhfoireann oiliúint agus feabhsú scileanna a fháil de réir mar a theastaíonn le spriocanna ar leith a sheachadadh go héifeachtach

2.4 Scoileanna

Tugann na Scoileanna faoi chroíghníomhaíocht na hInstitiúide. Cuirtear cláir ar fáil i raon leathan disciplíní faoi choimirce na gceithre Scoil: Gnó, Innealtóireacht, Daonnachtaí agus Eolaíocht. Déantar gach clár staidéir a sheachadadh agus a mheasúnú trí mheán an Bhéarla agus ní hann d'aon fhianaise go bhfuil éileamh le sonrú ar sholáthar aon ábhair chúrsa trí mheán na Gaeilge.

2.5 An Oifig Taighde, Nuálaíochta agus Fiontraíochta

Tá trí institiúid taighde straitéisigh ag ITBÁL, in Ábhair (ITÁ), Eolaíochtaí Bitheacha (ITEB) agus Bogearraí (ITBE) agus tá a gcuid sáite taighde de réir na bpríomhthosaíochtaí réigiúnacha agus náisiúnta. Treisíonn bunú Clár Tairsí Teicneolaíochta atá maoinithe ag Fiontraíocht Éireann – Lárionad Taighde Teicneolaíochtaí Feidhmeacha Polaiméire na hÉireann (TTF Éireann) agus COMAND (Dearadh agus Seachadadh Ceangailte Feidhmchlár Meán Cumarsáide) – treisíonn siad tuilleadh an tacaíocht atá ann cheana do chomhoibriú straitéiseach tionscail. Is ann do thuilleadh braislí taighde laistigh d'ár gceithre Scoil Ghnó, Innealtóireachta, Daonnachtaí agus Eolaíochta.

2.6 An Oifig Chumarsáide agus Mhargaíochta

Tá an Oifig Chumarsáide agus Mhargaíochta freagrach as earcú mac léinn agus as scaipeadh eolais go himmheánach agus go seachtrach chuig an Institiúid. Chuige sin, déanann an oifig fógraíocht faoi chúrsaí, eagraíonn sí cuairteanna scoile agus tá sí freagrach as foilseacháin de chuid na hInstitiúide.

CAIBIDIL 3

FEABHSÚ NA SEIRBHÍSÍ ATÁ LE SOLÁTHAR GO DÁT HEANGACH

3.0 Intreoir

Leagann an chaibidil seo amach an seasamh i dtaca le feabhsú soláthair sheirbhíse trí mheán na Gaeilge ag rannáin aonair laistigh den Institiúid. Glacann ITBÁL leis gur chóir soláthar seirbhíse i nGaeilge a thabhairt isteach go hincriminteach. Ní thuarann ITBÁL, áfach, go mbeidh éileamh ann ar sholáthar cúrsaí i nGaeilge, agus tuigtear di go bhfuil institiúidí eile tríú leibhéal, a bhfuil cuid acu lonnaithe i limistéir Ghaeltachta, ag comhoibriú le cur chuige aontaithe a chur i bhfeidhm i dtaca lena leithéid de sholáthar. Tacaíonn ITBÁL leis an gcomhoibriú seo; ní fheictear di, áfach, go mbeidh ról le cur i gcrích aici sa soláthar seo le linn saolré na scéime seo.

3.1 Meán Cumarsáide leis an bPobal

Déantar cumarsáid na hInstitiúide leis an bpobal trí mheán na meán cumarsáide seo a leanas, den chuid is mó, agus faoi láthair is i mBéarla a dhéantar sin.

- Réamheolaire
- Foirmeacha iarratais/Bróisiúir/Bileoga eolais
- Foilseacháin ilghnéitheacha
- Suíomh gréasáin
- Ríomhphost
- Litir
- Cumarsáid bhéil
- Caidreamh poiblí

Eisceacht i dtaca leis sin ná úsáid cártaí cuiridh dátheangacha chuig gach imeacht oifigiúil de chuid na hInstitiúide. Tá na tiomantais seo a leanas á ndéanamh maidir leis an scéim theanga seo.

3.1.1 Réamheolaire

Ag cur san áireamh na constaicí reatha atá ann ó thaobh acmhainní de níl an Institiúid ag súil leis go mbeidh sí ag táirgeadh an réamheolaire ar fad go dátheangach le linn shaolré na scéime seo. Déanfar ceannteidil agus teidil chláir atá le fáil sa réamheolaire a tháirgeadh go dátheangach. Leanfar ar aghaidh le seachadadh ábhair atá dírithe go háirithe ar an margadh idirnáisiúnta sa teanga atá oiriúnach don mhargadh.

Am: eagrán 2014/2015 an réamheolaire

3.1.2 Foirmeacha iarratais /Bróisiúir/Bileoga eolais

Déanfar foirmeacha iarratais dhírigh do mhic léinn fochéime agus iarchéime a eisiúint go dátheangach faoi aon chlúdach amháin. Foilseofar bróisiúir agus bileoga eolais i mBéarla amháin. Foilseofar tuairiscí comhairleora agus tuairiscí tiomanta teicniúla sa teanga sin inar cuireadh i láthair an chéad lá riamh iad.

Am: Ag chéad athchló eile na bhfoirmeacha iarratais

3.1.3 Foilseacháin Ilghnéitheacha

Foilsítear an leabhrán bainte amach céime in am don searmanas bronnta céime, é ag tabhairt liosta de na mic léinn agus an chéim a bhronnfar orthu, den chuid is mó. Beidh na codanna seo a leanas dátheangach

- Na leathanaigh tosaigh
- Teidil na gcúrsaí agus na gclár

Am: Faoi dheireadh bhliain 2 na scéime

Is iris í *AIT Lifea* fhoilsítear go bliantúil ag an Institiúid. Foilseofar alt amháin go dátheangach in aghaidh an eagráin.

Am: Faoi dheireadh bhliain 2 den scéim

3.1.4 Suíomh gréasáin

Tá sé de chumas ag an gcóras bainistithe ábhair a bhuntacaíonn le suíomh gréasáin ITBÁL faisnéis a léiriú go dátheangach. Beidh príomhábhar an tsuímh ghréasáin ar fáil i mBéarla agus i nGaeilge.

Leanfar ar aghaidh le seachadadh ábhair atá dírithe go háirithe ar an margadh idirnáisiúnta sa teanga atá oiriúnach don mhargadh.

Am: Faoi dheireadh na scéime

3.1.5 Ríomhphost

Taispeánfar an clásal séanta i nGaeilge agus i mBéarla araon.

Am: Ó thosú na scéime

3.1.6 Comhfhreagras Ginearálta

Ainmneoidh an institiúid ball foirne a bheas freagrach as freagra a thabhairt sa teanga chéanna nuair a dhéanann duine cumarsáid linn i nGaeilge. Cuirfear oiliúint oiriúnach ar fáil don bhall foirne ainmnithe.

Am: Ag tosú na scéime

3.1.7 Fógraí Béil

Is é beartas na hInstitiúide bheith ag obair i dtreo chinntiú go mbíonn na fógraí béil réamhthaifeadta dátheangach. Bainfear sin amach faoin dáta riachtanais reachtúil, 1 Iúil 2013.

Am: Ag tosú na scéime

3.1.8 Oibriúchán Fáiltithe

Beidh sé d'aidhm ag an Institiúid cinntiú go gcuirtear oiliúint ar an bhfoireann fháiltithe le hainm na hInstitiúide agus bunbheannachtaí a fhógairt i mBéarla agus i nGaeilge. Tá socruithe oiriúnacha i bhfeidhm sa tslí go gcuirfeadh an fhoireann fháiltithe ar an eolas faoi chathaoirleach ainmnithe sa chás go ndéanfaí fiosrúchán dóibh i nGaeilge agus gur féidir leo baill den phobal a chur i dteagmháil leis an oifig nó leis an oifigeach freagrach gan mhoill.

Am: Faoi dheireadh Bhliain 2 na scéime

3.1.9 Caidreamh Poiblí

Foilseofar preas-eisiúintí i dtaca leis an nGaeilge go dátheangach.

Am: Láithreach

Ó thosú bhliain 2 na scéime foilseofar 5% de phreas-eisiúintí na hInstitiúide go dátheangach. Déanfar athbhreithniú ar an gcéatadán seo i Scéimeanna teanga amach anseo.

Am: Ó thosú Bhliain 2 na scéime

3.2 Seirbhísí Tacaíochta

Níl líon suntasach ball foirne ag an Institiúid atá líofa sa Ghaeilge agus i dtús báire tá sí ag súil leis go mbeidh líon na ndeonach a bheas rannpháirteach íseal. Ar feadh fad ama na scéime beidh sé riachtanach gach seirbhís aistriúcháin doiciméad substaintiúil, tuarascálacha bliantúla, srl, a chur amach ar conradh.

3.3 Earcú

Cuimhneoidh ITBÁL ar a cuid dualgas faoin Acht agus í ag earcú foirne. Cuirfear gach earcach nua ar an eolas maidir le deiseanna forbartha le feabhas a chur ar a gcuid Gaeilge.

3.4 Oiliúint agus Forbairt

Tá tiomantas leanúnach ag an Institiúid oiliúint chuí a sholáthar agus tacaíonn sí le forbairt gach baill fhoirne. Faoi réir ag éileamh agus soláthar buiséadach cuirfidh an Institiúid oiliúint ar fáil sa Ghaeilge don fhoireann fháiltithe.

Déanfaidh an Coiste Forbartha Gairmiúla luacháil ar aon chúrsaí Gaeilge agus iad á dtairiscint ag an Rannóg don Fhoghlaim ar feadh an tSaoil agus cothóidh sé a gcuid oiriúnachta i measc na foirne le go n-éireoidís líofa sa Ghaeilge, idir scríofa agus labhartha. Faoi réir ag éileamh, tá sé beartaithe ag ITBÁL na bearta seo a dhéanamh ar feadh fad ama na scéime le feabhas a chur ar leibhéal na Gaeilge i measc fhoireann ITBÁL trí na rudaí seo a leanas:

- Soláthar treorach do bhaill fhoirne aonair ar mian leo fógraí glórphoist dátheangacha a fhágáil ar a dteileafón pearsanta.
- Soláthar fógraí dátheangacha ar theachtaireachtaí glórphoist iar-ama.

CAIBIDIL 5

MONATÓIREACHT AGUS ATHBHREITHNIÚ

Beidh feidhmiú éifeachtach na scéime á athbhreithniú ag an bhFoireann Bhainistithe Fheidhmeannaigh (FBF). Cuirfear an fheidhm mhonatóireachta laethúil i gcrích go príomha ag Ceannairí Rannóige/Feidhme, a bheas freagrach as cur i bhfeidhm na scéime laistigh dá réimse féin agus as tuairisciú ar bhonn rialta chuig a mbainisteoir líne, a thabharfaidh tuairisc lena sheal faoi bhráid chruinnithe FBF.

Déanfar monatóireacht ar bhaint amach na spriocanna dearbhaithe mar seo a leanas:

- Taifeadfar litreacha, glaonna gutháin, iarratais, srl, a fhaightear i nGaeilge le monatóireacht an éilimh a cheadú
- Déanfar leibhéal an chaiteachais ar aistriúchán an chomhfhreagrais i litreacha, preas-eisiúintí, an tsuímh ghréasáin, fhoilseachán, srl, a thaifeadadh
- Déanfar leibhéal an chaiteachais ar an oiliúint sa Ghaeilge a thaifeadadh
- Déanfar leibhéal an chaiteachais ar an bhfógraíocht dhátheangach a thaifeadadh.

CAIBIDIL 6

POIBLIÚ NA SCÉIME

Déanfar ábhar na scéime, in éineacht le tiomantais agus soláthair na scéime, a phoibliú don phobal ginearálta trí na meáin seo a leanas:

- Preas-eisiúintí
- Fógraíocht soláthair
- Ciorclaíocht chuig na gníomhaireachtaí agus chuig na comhlachais phoiblí trí mheán fógartha ríomhphoist
- Foilsiú ar shuíomh gréasáin na hinstitiúide.

Go himheánach, cuirfear an scéim chun cinn mar seo a leanas:

- Scaipfear cóip den scéim ar gach ball foirne chomh luath agus is féidir tar éis a faofa.

Cuireadh cóip den scéim seo ar aghaidh chuig Oifig Choimisinéir na dTeangacha Oifigiúla chomh maith.

Is é an leagan Béarla bunleagan na scéime seo.